



Laura Táunâjik  
Inatsisartunut ilaasortaq, Siumut

### § 37 naapertorlugu apeqqut 317/2018-imut akissut

#### 1. Nappaat qaqutigoorluinnartooq “ Hereditary multiple exostoses” nunatsinni qassit taamak nappaateqarpat?

##### Akissut:

Malunnaarsaaneq pillugu Naalakkersuisut apeqqummut eqqorluartumik akissuteqarsinnaangillat. Paasissutissiissutigineqassaarli, apeqqummi ersertutut, nappaat qaqutigoorluinnartuummat.

13-12-2018  
Sags nr. 2018 - 26381  
Akt nr. 9573225

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

#### 2. Peqqinnissaqarfimminngaanniit ikiuisinnaassuseq qanoq annertutigiva?

##### Akissut:

Peqqinnissaqarfik nappaammik pineqartumik nappaatillit inunnut ataasiakkaanut tulluussarlugit katsorsaaniissamik neqerooruteqarsinnaavoq. Nappaammik nappaatilik meeraqarpat, nalinginnaasuusaaq meeraasut aamma nappaammik peqarnerisut misissussallugit. Danmarkimi meeqqat pillugit innersuussutigineqartarpoq, saarngit nakorsaanni aalajangersimasumik nakkutilliisoqartarnissaa. Kalaallit Nunaanni nakkutillineq tamanna najukkami nakorsamit, saarngit nakorsaannik imaluunniit meeqqat saarngisaa nakorsaannik ingerlanneqarsinnaavoq. Saarngit nappaataannik pineqartumik attuumassuteqartunik ersiuteqartoqarpat, napparsimasooq Dronning Ingridip Napparsimavissuani pilattarneqarsinnaavoq imaluunniit nunami allami katsorsarneqarnissamut innersuunneqarsinnaavoq.

Nassuiarneqareersutut nappaat qaqutigoorluinnartuuvoq, Kalaallillu Nunaanni Peqqinnissaqarfimmi saarngikkut nappaat taanna pillugu immikkut itturnik malittarisassaqaangilaq. Nappaat taanna pillugu malittarisassaqaanginnera katsorsaanerup ingerlanissaanut sunniuteqaangilaq, nappaat taanna ima qaqutigooortigimmat, Dronning Ingridip Napparsimavissuani saarngit nakorsaat ass. Danmarkimi taanna pillugu immikkut ilisimasalinnik isumasioqateqarnissaq pisariaqartittarmassuk.

#### 3. Taamatut napparsimasut Namminersorlutik Oqartussat Kommunellu qanoq ikiuussinnaatigippat?

##### Akissut:

*Apeqqut 3 aamma 4-p akinissaanut Isumaginninnermut Inatsisinillu Atuutsitsinnermut Naalakkersuisoqarfimmut oqaaseqaatinik aallertoqarpoq.*

Napparsimasut qanoq ikiorneqarsinnaanerit pillugu akissuteqarnissami, Naalakkersuisut inatsisinut tulluuttunut innersuussissapput:

Annertuumik innarluutilit ikiorserneqartarnerit pillugu Inatsisartut peqqussutaat nr. 7, 3. november 1994-imeersoq, Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq aamma Siusinaartumik pensionisiat pillugit Inatsisartut inatsisaat nr. 40, 9. december 2015-imeersoq aalajangersakkanik imaqarput, suliat

ataasiakkaat apequtaallutik, taamaattumillu malittarisassat sorliit, innuttaasumut atuutissanersut kommunip nalilissavaa, innuttaasullu piumasaqaatit allat naammassippagit, assigiinngitsutigut innuttaasumut ikiorsiissutaasinnaapput.

Taakku ass. ikiorsiissutitut aaqqiissutaasinnaapput, pisortat ikiorsiissutaanik tunniussinerusinnaapput kiisalu siusinaarluni suliunnaarnersiuteqartitsinissamut akuersissutaasinnaapput. Tamatuma saniatigut isumaginninnikkut inatsisinut taaneqartunut innersuussisoqarpoq.

**4. Taamak nappaatilik sulisinnaanngippat pisortanit ikiorsiissutinik pisartagaqartinneqarnissaa periarfissaava?**

**Akissut:**

Apeqqut 3-mut akissummut innersuussivunga.

Inussiarnersumik inuulluaqqusillunga  
Med venlig hilsen

Martha Abelsen